

ВИКТОР САВИН

Майбырöй, олöмöй!



Виктор Савин

Майбырöй, олөмöй!

Бөрйөм гижөдьяс

Небӧгсӧ лэдзӧма
Коми Республикаса национальной политика
министерство отсӧгӧн

Савин В. А.

Бӧрйӧм гижӧдъяс. – Кывбуръяс, поэмаяс, висъгъяс, очеркъяс, пьесаяс. Сыктывкар: «Издательство «Милета», 2008. 608 с.

Коми литература подув пуктысь Виктор Алексеевич Савинлӧн (1888–1943) юбилей кезлӧ дасътӧм небӧгӧ пырисны медся бур гижӧдъясыс – кывбуръяс, поэмаяс, висъгъяс, очеркъяс, пьесаяс.

Небӧгсӧ лӧсьӧдіс В. В. Тимин

© Савин В. А., 2008

© Тимин В. В., составитель, 2008

© Министерство национальной политики РК, 2008

ISBN 978-5-98445-005-8

© Издательство «Милета», 2008

ОЛӨМЫС ДА УДЖЫС СЫЛӨН ПОДВИГ

«Кор думайтан Нёбдинса Виттор йылысь, син водзад сувтö самородок, зарни ёкмыль, кодi дзирдыштiс пемыд парма весьтын. Ыджыд, муртыштны вермытöм вöли Виктор Алексеевичлөн талантыс: поэт – гижис шемöсмöдана мича кывбурьяс, юморист – лöсьöдiс тешкодь комедияяс, композитор – тэчис-гижис дивö кодь мыла сьыланкывьяс. Ачыс сьылiс мичаысь-мича гөлöсөн, бура лыддис кывбурьяс, вöли режиссёр и артист, кужис вөрзёдны сьөлöмьясö спектакль видзöдысьяслысь, коми сьыланкыв кывзысьяслысь. Сийö котыртiс медводдза коми театральнöй труппа, а сэсся и коми театр. Став тайö ыджыд уджьясö Нёбдинса Виттор нуöдiс кызди общественнöй мог. Сийö вöли енбиа публицист да паськыда нималысь общественнöй деятель».

Тайö пöсь, сьөлöмсянь петан кывьясö висьталiс Илля Вась – Виктор Алексеевичлөн медматыс другьясысь öти. Найöс öтлаын да öттшöтш «мобилизуйтiс да чукöстiс революция», ышöдiс да сьөлöм сетiс коми литература да ставнас коми культура лöсьöдöм и водзö сöвмöдöм вылö.

Виктор Алексеевич Савин нимкöд йитчöма быдса историческöй кадколаст, мед олöмыс сылөн и эз вöв лышкыд да творческöй удж нуöдöм вылö сетiс кызь воысь этшаджык. И та вылö видзöдтөг, муртыштны вермытöм ыджыд да тöдчана сылөн пайыс коми литература да литературнöй кыв, коми драматургия да театральнöй искусство, публицистика да народнöй творчество сöвмöдöмын.

Татшöм тöдчанлуныс Нёбдинса Виттор уджлөн да творчестволөн. А мыйсянь колö вöли заводитнысö? Пöшти нинöм абусянь. Коми кыв эз велöдны школаын. Власть кутысьяс Комиын коми кывсö эз тöдны. Революцияöдз Сыктывкарын петавлiс сöмын кык ичöтик коми книга – А. А. Цемберён чукöртöм «Коми мойдан кывьяс» да «Коми мойдан да сьылан кывьяс».

Ачыс Нёбдинса Виттор та йылысь со кызди гижö: «Сэтчöдз, 1918 вося август тöлысьöдз, ме комиён некор на нэмын эг гижлы

нинѳмтор. Дерт, эг кужлы ме сэки мѳвпыштны весиг, мый лоа коркѳ коми поэтѳн либѳ коми драматургѳн». Но коли кык-куим во, мед нѳль-вит во, и Нѳбѳнса Витторлѳн нимыс лои тѳдса став Коми область пасьта – Луз районса Уласянь да Порубсянь ѳнія Инта районса Петруньѳдз да Адзьваѳдз, Кулѳмдѳн районса Пузласянь Удораса Бутканѳдз. Быд сиктын да весиг ичѳтик грездъясын том йѳз сьылѳсны Нѳбѳнса Витторлысь «Югид кодзув», «Шондѳбанѳй», «Сьѳлѳм сьылѳм», «Ѳтчид овлѳ» да уна мукѳд сьыланкыв. Коми сьыланкыв локтѳс рытпукъясь. Нѳбѳнса Витторлысь пьесаяссь петкѳдлѳсны быд сиктын, кѳнѳ вѳлѳ кѳть ичѳтик клуб либѳ лыддысян керка. Виттор ѳд эз сѳмын пьесаяс гиж. Сѳйѳ лѳсьѳдлѳс Коми рытьяс да празникъяс нуѳдѳм вылѳ сценарийяс. Сиктъясѳ ветлѳгѳн котыртѳс самодеятельнѳй кужокъяс.

Эз кокни вѳв Нѳбѳнса Витторлѳн туйыс став коми йѳз пѳвстын ярьюгид славаѳдзыс. Велѳдчѳм помалѳм бѳрын 16 арѳса зонка пырис уджавны писарлы отсасысьѳн. Уджѳн 5 шайтѳн тѳлысь. Недыр мысти бурджык удж вылѳ веськалѳс ылѳ Печораса Щугѳр сиктѳ. Но батыс корис гортас да нуѳдѳс Богословѳ пес пилитны. Лоис тайѳ 1906 воын, кор Витторлы тырис 18 арѳс.

Уралын нѳль во да джын уджалѳм бѳрын, 1917 воын, мунѳс Украинаѳ бурджык удж корсьны. Олѳс Украинаын 7 во, уджалѳс кѳрт руда перьян рудникъясын. Революция лоѳм бѳрын Виттор семьяыскѳд локтѳс бѳр гортас. Семьяыс эз нин вѳв ичѳт – асьныс гозья да куим челядь: кык ныв да пи, а аслыс сѳйѳ воас тыри 30 арѳс.

И сѳдз, ылѳ муясын, Уралын да Украинаын «зимѳгоритѳм бѳрын», кыдзи гижѳ ачыс Нѳбѳнса Виттор, 1918 вося июньын воис гортас. Та йылысь «зимѳгорыд» весиг кывбурѳн висьталѳ:

Паськыд мулѳн, вѳльнѳй светлѳн

Некѳн абу помыс.

Ылын йѳзын дыр ме ветлѳ,

Локтѳ дас кык во мысьт.



Виктор Алексеевич Савин Лидия Ивановна гобырыскöд да Тамара нылыскöд.
Фотоыс 1911 вося. Богослов (öни Серов кар)

Тöлысь мысти сійö медводдзаысь локтö Сыктивкарö корсьны кутшöмкö удж. «Кытчö пырны, код дінö шыасьны?» Пыри пö милицияö, сэтчö шуисны босьтны. Но семьяысла ветлігкості милицияö босьтöмаöсь мöд мортöс. Босьтісны Чрезвычайнöй комиссияö делопроизводительöн...

Бара сетам кыв аслыс Нёбдинса Витторлы: «Сэки вöлі Сыктивкарын шочиника петö «Зырянская жизнь» нима роч газет. Меным зэв окота вöлі пемыд коми уджалысь войтырлы сетыштны газет пырыс ас кывъя гижöдторъяс, чуксавны выль олöмланьыс коми кывйöн, коми гижöдöн. Понді шочиника гижны коми стихъяс. Медводдзаыс вöлі «Гöрд звөн» (петіс август 18-öд лунö), кырымавлі «Нёбдинса Виттор» роч шыпасъясöн, комиыс сэки эз на вöв»...

Нэм томмöдысь кадöн поэт шуö выль олöмсö, кодöс кыпöдöмлы да ёнмöдöмлы сетіс аслас олöмлысь медся бур вояссö да көсйис эськö шыбитны 25 во, мед нöшта ыджыджык вынöн бурмöдны нэм томмöдысь кадсö (поэтлы сэки вöлі 47 арöс):

Тулысыд меліа кыскö ас бердас,
Сэки öд томмö да мичмö быдтор.
Вежöдö, ловзьö кор томиник берба,
Сё вося кызлöн тшöтш потласьö кор.
Быдöнлы долыдлун öткодя сетö,
Весиг и сылы тшöтш, коді оз чайт...

Со сылöн асьсö да асьыс уджсö сэкся донъялöм: «Ме некор эг лыддьывлы асьшым поэзия сям гижöдъясöс джуджыд художествоа произведениеяс туйö, но менам став татшöм произведениесö (кывбуръяс, сыланкывъяс, ораторияс, поэмаяс) гижöма прöстöй коми кывйöн, уна дас сюрс коми уджалысь йöзлы гöгөрвоана кывйöн, сэсся ме аслам гижан нэм чöжөн гижöдъясöс пыр шыльöдлі-мольöдлі (уна пöв!), кызсюрö кывъясöн эг шыбласлы. Та боксянь колö веськыда шуны: ме кодя коми кыв сöдзлун вöсна тöждысьысь да лючкия вöдитчысь öдвакö сюрас коми писательяс пöвстысь».

Нёбдинса Виттор тадзи доньялёма асьсё, мед. Но сійёс нимөдöны буретш «джуджыд художествоа произведениеясыс». Эз кө вöвны найö, эз эськö дзирдав поэзия енэжын Нёбдинса Витторлөн нимыс.

Тырмывліс и общественной уджыс. Сыктывкарö воём бöрын куим тöлысь мысти нин сійёс бöрйöны партийной да государственной уджлөн медся вылыс тшупöдьясö: 1918 вося декабрын сійö уездса Чрезвычайной комиссияын юралысь да партиялөн уездной комитетса секретарь. И сэк жö «Зырянская жизнь» газет редколлегияса член, а 1921 восянь и редактор.

Уджыс уна кад босьтліс, но сійö некор эз дугöдчыв гижöмысь, коми литература сöвмөдөм понда тöждысьöмысь. Бара жö ачыс со кызди гижö та йылысь: «Укомын секретаралігөн эг жö шыбитлы комиён гижан уджöс. Вöлі вöчан-вöчан кутшöмкö партийной удж да сэн жö и кывбуртö гижыштан, мыйкö дум вылад усяс да. Либö балалайкаөн коми сыланкывьяслы мотивьястö вöлі лöсьöдла. Балалайкай унджыкысьсö вöлі аслам гижан пызан дорын, пыр нин ки улын. Унаысь ме балалайкаөн петавлі и сцена вылö – ворслывлі сьылігтырйи ассьым сыланкывьяс».

Ас вöсна ме шочджыка нетшкыслі,

Мырсьысь йöзöс кыпöдны тöждысьлі, –

гижö поэт 1928 воын сылысь 10 вося юбилей пасйысьяслы воча кывйын и сэн жö сувтöдö аслас творческой уджын мог:

Мед эськö кыпöдчас культура миян!

Мед эськö суам ми мукöдöс сійөн!

Коми литература сöвмөдан могкөд орччөн Нёбдинса Виттор сувтöдліс коми театр лöсьöдөм. Колöны вöлі пьесаяс, сыланкывьяс, музыка. И эз сöмын пьесаяс гиж. Сійö ассьыс кывбурьясö пуктіс музыка вылö. И сэк жö нүөдіс ыджыд котыртан удж: котыртіс Сыктивкарса хор, а сэсса и Сыктивкарса коми театрын ворсысь чукөр – Сыкомтевчук. Сэтчö гижисны 60 морт. Сыкомтевчук вöчис зэв ыджыд удж. Котыртысьыс,

тöждысьысьыс – Нёбдинса Виттор. «Театрлөн могыс, – пасйö сійö, – кыпöдны коми войтырлысь культурасö коми кыв вылын спектакляс петкöдлöм пыр». Сэсся содтö: «Менам сёлöмöй висис коми театр вöсна. Ачым гижи пьесаяс, чукöртi «артистьясöс», режиссёралi да ворси пьесаясын главнöй рольяссö. 1918 воын на петкöдлi карса нардом сцена вывсянь ассыйм кык водевиль: «Корасьöм» да «Гудрасьöм», а 1919 вося февральын ассыйм медводдза драма «Ыджыд мыж». Сійö кадсяныс ме гижи кызь пьесаыс унджык». Таысь кындзи, Нёбдинса Виттор комиöдiс К. Гольдониысь «Слуга двух господ», А. Островскийысь «Лес», «Гроза», «На бойком месте», Н. Гогольысь «Ревизор», «Женитьба», М. Горькийысь «На дне» да мукöд авторьяслысь пьесаяс...

Содтам та дiнö нöшта öтитор, мый вöсна висис сёлöмыс Нёбдинса Витторлөн. Со сійö гижö М. Н. Лебедевлы: «Видза олан, Михайлö Николаевич! Ме тэ дiнö шыася со кутшöм могөн. «Настук» опереткатö тэнсьыд кутчыси музыка вылö лöсьöдны, – регыд нин эштас. Кöть эськö сiдзсö абу зэв сёкыд ворсныыс сійöс, мелодиясыс кокныдикöсь и (аслыспöлöс, коми кöра), да бура дыр ковмас лöсьöдчыны пуктыныыс...»

Мипасйимнин: поэтассысунакывбурпуктiс музыка вылö. Нёбдинса Виттор аслас программаын пасйыліс куим пункт: «1) кыпöдны коми литература, 2) лöсьöдны коми театр, 3) тэчны выль коми сыланкывьяс (музыка). Медбöрья уджыс – коми музыка – кыссьö медбöрын. Веськыда колö шуны, меысь кындзи öнöдз некод на эз уджавлы сы кузя».

Коли ещö висьтавны Нёбдинса Витторлөн публицистика йылысь, а тайö, позьö шуны, творчествоас медся тураса юкөн. Мöд ног и лоны эз вермы. Сійö öд матö дас во редактируйтiс «Удж», «Югыд туй» да «Коми сикт» газетяс. Вöлі редколлегияса член «Зырянская жизнь» газетын и «Ордым» да «Коми просвещенец» журнальясын. Газетса редакторлы пырджык аслыс ковмыліс гижны передöвöй статьяяс, унджыкысьсö кырымавтöг. Эз этша гиж псевдонимьясөн кырымалöм статьяяс, заметкаяс да сiдз шусяна лунгарьяс (рочөн кö шуны: «На злобу дня»). Журналистыдлы быдторйöдз делö. Та йылысь и висьталö Нёбдинса Витторлөн быд лунья уджыс. Быд луньяыс нюжаліс дас во вылö!

И век жё эз кузь ло творческёй уджыс поэтлөн, драматурглөн, журналистлөн да общественнёй деятельлөн. Заводитчис сійё, кызди ачыс индё, 1918 вося август 18-өд лунё «Гёрд звён» кывбурсянь, а помасис (стөчджык шуны: помалісны) 1937 вося июль 20-өд лунё. Тайё лунас «Вөрлэдзысь» газет йёзёдіс Нёбдіна Витторён комиөдөм кык кывбур В.Новиков-Прибойлысь: «Съыв миянлы, төлөй» да «Но, кызд нё он съыв».

Та бёрын Нёбдіна Виттор «воши». Ланьтөдісны матё кызь во кежлө. 1937 вося октябрь 9-өд лунлы паныда войын (тайё съөд делөсё пырджык вөчлісны войын) Нёбдіна Витторёс пуксьөдісны тюрьмаё «контрреволюционнёй удж нуөдөмысь» (РСФСР-са Уголовнёй кодекслөн 58-өд статья серти).

1938 вося июль 7-өд лунё СССР-са НКВД бердын Особөй совещание ыстіс 5 во кежлө исправительно-трудөвөй лагерьясё. Кузь вөлі туйыс «исправительно-трудөвөй лагерөдзыд»: первой Эжва да Войвыв Двина кузя Кардорөдз (Архангельскөдз), сэсянь мореті Печора устьеөдз, сэся Печора да Уса юяс кузя Воркута ю вомөдз. Сэні кык во гөгөр грузитіс баржаясё из шом. 1940 вося сентябрь 23-өд лунё вайөдісны Уса вывса Адак посёлокө.

Лагерын пукалан срок помасьөм бёрын «Воркутлагса» начальство шыөдчас республикаса веськөдлысьяс дінө: оз-ө позь В.А.Савинөс мөдөдны гортас, Сыктывкарё. Гортас Виктор Алексеевичёс эз лэдзны: столичнёй карын пё да нөшта война кадё Уголовнёй кодекслөн 58-өд статья серти судитлөм мортлы овны оз позь...

1943 вося февраль 3-өд лунё Виктор Алексеевичёс мөдөдісны ссылкаё Сибирё. Туй вылас муніс 2 төлысь да 6 лун прамөй сёянтөг. Места вылө, сэкся Новосибирскөй, өнія Томскөй областьса Итатка көрт туй станцияё, воис 1943 вося апрель 9-өд лунё муртса-муртса ловья да пыр жё веськаліс больничаяё. Сэсянь Виктор Алексеевич мөдөдіс гортас неыджыд письмё. Письмөсё гижөма рочөн.

1 июля 1943 года.

Привет, мои дорогие!

Я уже не в Адаке, а судьба забросила далеко-далеко в Сибирь – Новосибирскую область (лагпункт называется Прикулька около станции Итатка Томской железной дороги). Это будет в пятидесяти километрах от Томска на северо-восток. Климат здесь, конечно, теплее, чем в Адаке, кругом лес – тайга. Из Адака выехал 3 февраля, сюда прибыл только 9 апреля. В дороге совершенно ослаб и заболел (здоровье-то ведь у меня вообще неважное), и вот уже третий месяц нахожусь в стационаре на поправке. Особенно плохо было в дороге с питанием и сильно отошал, а через это и здоровье пошатнулось. Но теперь чувствую себя более окрепшим, возможно, скоро устроюсь на какую-нибудь посильную по своему состоянию здоровья работу. Я бы очень просил вас прислать мне хоть небольшую продуктовую посылку и табак. Соберитесь-ка все и вышлите старику гостинец, буду несказанно рад. Напишите подробно о вашей жизни. Что известно о Стасике, Вене и т.п. Посылаю доплатным это письмо, так как денег не имею, остаюсь пока на прежнем положении, вероятно, до окончания войны. Как живут Ляля, Майя, Иня? Как, мамочка, твоё здоровье? Крепись, ещё увидимся – надеюсь! Целую всех.

Папа.

Письмо посылаю без конверта, «треугольничком», доплатное.

В. Савин

Некымын кыв письмõ йывсьыс: Стасик – Станислав, Веня – Авенир – Виктор Алексеевичлõн пьян. Вõліны Великой Отечественной войны фронтъяс вылын.

Ляля – Людмила, Майя да Иня – Инесса – Нёбдінса Витторлõн ныв-ъяс. Мамочка – сылõн гõтыр Лидия Ивановна.

* * *

Виктор Алексеевичлõн аддзысьлõм вылõ надеяыс эз вермы збыльмыны. Письмõсõ гижигõн гõтырыс эз нин вõв ловъя. Лидия Ивановна куліс 1943 вося июнь 29-õд лунõ. Письмõсõ гижõм бõрын дас

лун мысти, июль 11-өд лунö, куліс и ачыс Виктор Алексеевич. Ми весиг огö тöдбй, кытчö сйöс гуалисны...

Коми АССР-са Верховнöй судлөн президиум 1955 вося ноябрь 4-өд лунö выль пöв видлаліс Виктор Алексеевич Савинöс мыжалöм кузя делö. Нёбдінса Витторöс мыжтöмлун вöснаыс вöлі правдайтöма. 1956 вося май 28-өд лунö СССР-са писательяслөн Союз бөр пыртіс поэтлысь бур нимсö.

Коми войтыр некор эз вунöдлы Нёбдінса Витторлысь ыджыдысь-ыджыд уджсö да творческöй подвигсö. Сылөн нимыс воддза мозыс юргö республикалөн помсянь помöдз. Сылөн гижöдъясыс ышöдöны, сетöны сьöлöм выль том поколениясылы. Сылысь нимсö сетöма республикаса каръясын уличаясылы да Сыктывкарса академическöй драматическöй театрлы, театрыскöд орччөн сулалö водзö мунны зільысь, быдөнöс аскöдыс подвиг вылö чукасалысь бронзаысь кисьтöм миян

НЁБДІНСА ВИТТОР.

Со сылөн духовнаын (завещаниеын) водзö кезлö вöзйылöмыс:

Губй вылö, нöрыс йылö

Волбй, зонъяс, нывъяс!

Энö шогсьбй, гажа сьылбй

Коми сыланкывъяс!

Менö казгыштлбй, эн полбй,

Гажа сыланінын.

Нимкодя сэк менам лолбй

Волас тіян дінö!

И лолыс и нимыс Нёбдінса Витторлөн öні Комиын – миянкöд.

Г. Торлопов

Мун мянясь, лёк кулиган! Тэнад ёд некутшом яндзим нин, тыдалё, абу.

А р т и п. Лёкысла сідз шуасьё, оз нин тёд, мый керныыс да... Мун! Лякосьтчыны весиг тэ дінё эськё нинёмла да... Мун!

С т е п а (*тиётти кутчысьё*). Мун, пеж горш, мянясь!

М и т р е й. Бурён ог мун!.. (*Друг горзё.*) Ой, караул!.. Караул, вины кутісны!..

К л а в д и. Эн горзы, полокалё!

З а к а р (*кутчысьё дорйыны Митрейёс*). Лэччысьёй. Энё ёбёдитой менсьым другё!.. Нолтё, Митрей, ёдёбтылам ётвылысь!.. Но-о-о! (*Ноксьёны ставны, кашкёны, ружтёны.*)

К и р ё (*чеччё да тиётти отсалё вётлыны Митрейёс да Закарёс*). Но? Ті тай прамойёдз косясьны кутінныд? Митрей, Закар, лэччысьёй!..

К а т я (*тиётти локтё*). Силитчисны тай, збыльысь! Тодмыш-кавны колё, чужьявны кыкнанныё.

А р т и п. Ушывайтчё жё вайё татысь, кык друг, весасьёй! Шагом марш! (*Закарёс да Митрейёс тойлалё ёдзёс сайё. Сы бёрся петёны тиётти: Клавди, Кирё да Катя. Посводзын бура дыр грымёдчём да увгём кылё.*)

С т е п а. Вёлисти, тыдалё, мынім мисьтём чужёмысь! Вот сё чудесаыс!

А р т и п (*пырё, босьтё лямпаяссё да шыбитё посводзас*). Налёй, босьтой морт ёти лямпа пёлён да исковтёй кыкнанныд Карзан гуранас, кытчёдз онё турбыльтчёй! (*Сайын кылё Кирёлён да Катялён серам*).

М и т р е й (*сайсянь*). Помнитланнуд ті, рёзбойникьяс! Тшынйив ставсё лэптам, больше ничево! (*Босьтчё сьывны.*) «Последней нёнешной денёчек»...

А р т и п. А, дерт нин, ёні «последней денёчекьяс» тіяны воисны!

М у к ё д ы с пырёны.

З а н а в е с.

ЮРИНДАЛЫСЬ

Олөмыс да уджыс сылөн подвиг	5
------------------------------------	---

Кывбурьяс

Гөрд звөн.....	16
Төвся рыт	17
Арся мойдкыв.....	19
Югыд кодзув.....	22
Веж видз вывтї муна.....	24
Мөдысь.....	25
Дзодзөгъяс	26
Вөв кутөм.....	27
Сөветскөй.....	29
Чужи-быдми съөд вөр шөрын.....	30
Шөндібанөй.....	31
Сьөлөм сьылөм.....	33
Кор долыд	34
Югылдлань	35
Гажа тулыс	36
Өтчыд овлө	38
Аддзысян тай.....	39
«Югыд туй»	40
Пернапас	42
Пом ни дор.....	46
Вен.....	47
Лозанна	53
Суд мунө	55
Водзө кежлө.....	57
Гажаин, мусаин	59
Варыш поз.....	60
«Зэв нимкодь сьөлөмлы!..»	61
Тутуруту Семө.....	62

Кыдзи грамота перйи.....	64
Гыа ва вылын кыйсьом	66
Коми автономия.....	69
Тувсов вой.....	70
Коми сыланкыв.....	71
Мамöлы	72
Коллектив.....	75
Выльланьö чуксалысь шы	77
Мельнича	78
Сиктын	79
Коми море	83
Выль Пашлы	85
Вундöм (<i>роч вылысь</i>)	88
Коми художниклы – Чисталёв Тима Веньлы.....	89

Комиа-роча кывбурьяс

Кыдя роч	92
Солнце всходит и заходит, а... ..	94
Зеленецкая коровушка	97

Поэмаяс

Ныв шог	99
Тиюк	108
«Аркирей».....	116
Кодлы овны öнi долыд.....	126
Öксинь	138
Зыранизация	146
Сыктывкар	161

Прозаöн гижöдьяс

Сувт, чеччы, коми войтыр. Ассьыд шудтö дор!.....	190
Пароход виччысигöн.....	192
Спектакасигыясöн	196

Сынӧдӧд лэбалӧм.....	202
«Мусюр» сайын.....	210
«Луча»	243
Стихотворениеяс гижӧм йылысь	256
Кодань дядь устав корсьӧ (<i>ӧнӧя мойдкыв</i>).....	259
Кӧлач (<i>кокньыдик сёрни</i>)	263
Кутшӧм коми репертуар колӧ.....	266
Коммуын	268
Кыдзи таво кутас уджавны коми театр	284
Олӧм туйвеж.....	285
Бӧрыньтчигӧн	306
Ордысьӧм.....	319
Коми театрлӧн подулӧс да уджыс	341
Менам олӧм (<i>автобиография</i>).....	345
Коми литература.....	380
Казытылан торпыригъяс.....	383
Том гижысьяслы индӧдъяс.....	389
Домна Каликова	406
Литература кыв оз ков ёгӧсьтны.....	414

Пьесаяс

Райын.....	422
Инасьтӧм лов	453
Шонді петігӧн дзоридз косъмис	489
Вабергач	520
Парма ныв	547

Савин Виктор Алексеевич

Майбырй, олёмй!

Бöрийм гижöдыс

Избранные произведения

Литературно-художественное издание

Редактор П. А. Комиссаров

Технический редактор А. В. Гречева

Художественный редактор П. А. Комиссаров

Верстка: А. Ю. Перетягин, М. А. Палкин

Корректор О. Л. Исакова

Сдано в набор 11.08.2008

Подписано в печать 03.10.2008

Формат 84 x 108 1/32. Бумага офсетная

Печать офсетная

Условных печатных листов 35,5

Тираж 1000 экз. Заказ № 1302

Издательство «Милета»

167000, г. Сыктывкар, ул. Интернациональная, 110

Отпечатано с готового оригинал-макета
в ОАО «Кировская областная типография»,
610000, г. Киров, Динамовский проезд, д. 4